

# ORDINARIUM MISSAE

## RITUS INITIALIS

### INTROITUS

In nomine Patris et Filii et Spiritus Sancti.

*Amen.*

Dominus vobiscum.

*Et cum spiritu tuo.*

Fratres, agnoscamus peccata nostra, ut apti simus ad sacra  
mysteria celebranda.

*Confiteor Deo omnipotenti et vobis, fratres,  
quia peccavi nimis cogitatione, verbo, opere et omissione:  
mea culpa, mea culpa, mea maxima culpa.  
Ideo precor beatam Mariam semper Virginem,  
omnes Angelos et Sanctos,  
et vos fratres, orare pro me ad Dominum Deum nostrum.*

Misereatur nostri omnipotens Deus  
et, dimissis peccatis nostris, perducatur nos ad vitam aeternam.  
*Amen.*

*Vel, ad libitum:*  
Miserere nostri, Domine.  
*Quia peccavimus tibi.*

Ostende nobis, Domine,  
misericordiam tuam.  
*Et salutare tuum da nobis.*

Misereatur nostri omnipotens Deus  
et, dimissis peccatis nostris,  
perducatur nos ad vitam aeternam.  
*Amen.*

*Vel:*

Qui missus es sanare contritos corde: Kyrie elèison.

*Kyrie elèison.*

Qui peccatores vocare venisti: Christe, elèison.

*Christe, elèison.*

Qui ad dexteram Patris sedes, ad interpellandum  
pro nobis: Kyrie elèison.

*Kyrie elèison.*

Misereatur nostri omnipotens Deus  
et, dimissis peccatis nostris,  
perducatur nos ad vitam aeternam.  
Amen.

## **KYRIE**

Kyrie, eleison.

*Kyrie, eleison.*

Christe, eleison.

*Christe, eleison.*

Kyrie, eleison.

*Kyrie, eleison.*

## **GLORIA**

*Gloria in excelsis Deo*

*et in terra pax hominibus bonae voluntatis.*

*Laudamus te, benedicimus te, adoramus te, glorificamus te,*

*gratias agimus tibi propter magnam gloriam tuam,*

*Domine Deus, Rex caelestis Deus Pater omnipotens,*

*Domine Fili unigenite, Iesu Christe,*

*Domine Deus, Agnus Dei, Filius Patris,*

*qui tollis peccata mundi, miserere nobis;*

*qui tollis peccata mundi, suscipe deprecationem nostram.*

*Qui sedes ad dexteram Patris, miserere nobis.*

*Quoniam tu solus Sanctus,*

*tu solus Dominus, tu solus Altissimus, Iesu Christe,  
cum Sancto Spiritu:  
in gloria Dei Patris. Amen.*

## **COLLECTA**

*Amen.*

## **LITURGIA VERBI**

### **LECTIO PRIMA**

Verbum Domini.

*Deo gratias.*

### **PSALMUS**

### **LECTIO SECUNDA**

Verbum Domini.

*Deo gratias.*

## **ALLELUIA**

*Et dicitur submisse :*

Munda cor meum ac l bia mea,  
omn potens Deus,  
ut sanctum Evang lium tuum  
digne v leam nunti re.

Dominus vobiscum.

*Et cum spiritu tuo.*

Lectio sancti Evangelii secundum ...

*Gloria tibi, Domine.*

Verbum Domini.

*Laus tibi, Christe.*

*Et sacerdos addit submisse :*

Per evangelia dicta, deleantur nosta delicta.

## **HOMILIA**

## **CREDO**

*Credo in unum Deum,  
Patrem omnipotentem, factorem caeli et terrae,  
visibilium omnium et invisibilium.  
Et in unum Dominum Iesum Christum,  
Filium Dei unigenitum,  
et ex Patre natum ante omnia saecula.  
Deum de Deo, lumen de lumine,  
Deum verum de Deo vero,  
genitum, non factum, consubstantialem Patri:  
per quem omnia facta sunt.  
Qui propter nos homines et propter nostram salutem  
descendit de caelis.  
Et incarnatus est de Spiritu Sancto ex Maria Virgine,  
et homo factus est.  
Crucifixus etiam pro nobis sub Pontio Pilato;  
passus et sepultus est, et resurrexit tertia die,  
secundum Scripturas,  
et ascendit in caelum, sedet ad dexteram Patris.  
Et iterum venturus est cum gloria,  
iudicare vivos et mortuos, cuius regni non erit finis.  
Et in Spiritum Sanctum, Dominum et vivificantem:  
qui ex Patre Filioque procedit.  
Qui cum Patre et Filio simul adoratur  
et conglorificatur: qui locutus est per prophetas.  
Et unam, sanctam, catholicam et apostolicam Ecclesiam.  
Confiteor unum baptisma in remissionem peccatorum.  
Et expecto resurrectionem mortuorum  
et vitam venturi saeculi.  
Amen.*

**ORATIO UNIVERSALIS  
SEU ORATIO FIDELIUM**  
*Te rogamus, audi nos.*

## **LITURGIA EUCHARISTICA**

*Benedictus es, Domine, Deus universi,  
quia de tua largitate accepimus panem,  
quem tibi offerimus, fructum terrae et operis manuum hominum,  
ex quo nobis fiet panis vitae.*

*Benedictus Deus in saecula.*

Benedictus es, Domine, Deus universi,  
quia de tua largitate accepimus vinum,  
quod tibi offerimus, fructum vitis et operis manuum hominum,  
ex quo nobis fiet potus spiritualis.

*Benedictus Deus in saecula.*

*Inclinatus altari, dicit submisse:*

In spiritu humilitatis et in animo contrito suscipiamur a te,  
Domine;  
et sic fiat sacrificium nostrum in conspectu tuo hodie,  
ut placat tibi, Domine Deus.

*Et lavantes manus suas:*

Lava me, Domine, ab iniquitate mea et a peccato meo munda me.

*Deinde populo:*

Orate, fratres,  
ut meum ac vestrum sacrificium  
acceptabile fiat apud Deum Patrem omnipotentem!

*Suscipiat Dominus sacrificium de manibus tuis  
ad laudem et gloriam nominis sui,  
ad utilitatem quoque nostram  
totiusque Ecclesiae suae sanctae.*

**ORATIO SUPER OBLATA**

*Amen.*

**PREX EUCHARISTICA I**

Dòminus vobiscum

*Et cum spiritu tuo.*

Sursum Corda.

*Habemus ad Dòminum.*

Gràtias agàmus Dòmino

Deo nostro.

*Dignum et iustum est.*

Vere dignum et iustum est,  
aequum et salutàre, nos tibi,  
sancte Pater, semper et ubique gràtias àgere  
per Filium dilectiònis tuae  
Iesum Christum.

Verbum tuum, per quod cuncta fecisti:  
quem misisti nobis Salvatòrem et Redemptòrem,  
incarnatum de Spìritu Sancto et ex Virgine natum.  
Qui voluntàtem tuam adimplens  
et pòpulum tibi sanctum acquirens  
extèndit manus cum paterètur,  
ut mortem sòlveret et resurrectionem manifestàret.  
Et ìdeo cum Angelis  
et òmnibus Sanctis  
glòriam tuam praedicàmus,  
una voce dicèntes:

*Sanctus, sanctus, sanctus Dominus Deus Sabaoth.  
Pleni sunt caeli et terra gloria tua.  
Hosanna in excelsis.  
Benedictus qui venit in nomine Domini.  
Hosanna in excelsis.*

**T**e igitur, clementissime Pater,  
per Iesum Christum, filium tuum, Dominum nostrum,  
supplices, rogamus ac petimus, uti accepta habeas  
et benedicas, haec dona, haec munera, haec sancta sacrificia  
illibata.

In primis, quae tibi offerimus pro Ecclesia tua sancta catholica:  
quam pacificare, custodire, adunare et regere digneris toto orbe  
terrarum: una cum famulo tuo Papa nostro N.  
et Antistite nostro N.  
et omnibus orthodoxis atque catholicae et apostolicae fidei  
cultoribus.

Memento, Domine, famulorum famularumque tuarum

et omnium circumstantium,  
quorum tibi fides cognita est et nota devotio,  
pro quibus tibi offerimus:  
vel qui tibi offerunt hoc sacrificium laudis,  
pro se suisque omnibus: pro redemptione animarum suarum,  
pro spe salutis et incolumitatis suae:  
tibi que reddunt vota sua aeterno Deo, vivo et vero.

Communicantes, et memoriam venerantes, in primis gloriosae  
semper Virginis Mariae,  
Genetricis Dei et Domini nostri Iesu Christi \* :  
sed et beati Ioseph, eiusdem Virginis Sponsi,  
et beatorum Apostolorum ac Martyrum tuorum: Petri et Pauli,  
Andreae, [Iacobi, Ioannis, Thomae, Iacobi, Philippi, Bartholomaei,  
Matthaei, Simonis et Thaddaei: Lini, Cleti, Clementis, Xysti,  
Cornelii, Cypriani, Laurentii, Chrysogoni, Ioannis et Pauli,  
Cosmae et Damiani] et omnium Sanctorum tuorum; quorum  
meritis, precibusque concedas, ut in omnibus protectionis tuae  
muniatur auxilio.

(Per Christum Dominum nostrum. Amen.)

Hanc igitur oblationem servitutis nostrae,  
sed et cunctae familiae tuae, quaesumus,  
Domine, ut placatus accipias;  
diesque nostros in tua pace disponas,  
atque ab aeterna damnatione nos eripi,  
et in electorum tuorum iubeas grege numerari.

(Per Christum Dominum nostrum. Amen.)

Quam oblationem tu, Deus, in omnibus, quaesumus,  
benedictam, adscriptam, ratam, rationabilem,  
acceptabilemque facere digneris:  
ut nobis Corpus et Sanguis fiat,  
dilectissimi Filii tui, Domini nostri Iesu Christi.

Qui, pridie quam pateretur,  
accepit panem in sanctas ac venerabiles manus suas,  
et elevatis oculis in caelum ad te Deum Patrem suum  
omnipotentem,

tibi gratias agens benedixit, fregit, deditque discipulis suis,  
dicens:

ACCIPITE, ET MANDUCATE EX HOC OMNES:  
HOC EST ENIM CORPUS MEUM,  
QUOD PRO VOBIS TRADETUR.

Simili modo, postquam caenatum est,  
accipiens et hunc praeclarum calicem  
in sanctas ac venerabiles manus suas,  
item tibi gratias agens benedixit,  
deditque discipulis suis, dicens:

ACCIPITE ET BIBITE EX EO OMNES:  
HIC EST ENIM CALIX SANGUINIS MEI  
NOVI ET AETERNI TESTAMENTI:  
QUI PRO VOBIS ET PRO MULTIS EFFUNDETUR  
IN REMISSIONEM PECCATORUM.  
HOC FACITE IN MEAM COMMEMORATIONEM.

Mysterium fidei.

*Mortem tuam annuntiamus, Domine,  
et tuam resurrectionem confitemur, donec venias.*

Unde et memores, Domine, nos servi tui,  
sed et plebs tua sancta, eiusdem Christi Filii tui,  
Domini nostri, tam beatæ passionis,  
nec non ab inferis resurrectionis,  
sed et in caelos gloriosæ ascensionis:  
offerimus praeclaræ maiestati tuæ de tuis donis ac datis  
hostiam puram, hostiam sanctam, hostiam immaculatam,  
Panem sanctum vitæ æternæ  
et Calicem salutis perpetuæ.

Supra quæ propitio ac sereno vultu respicere digneris:  
et accepta habere sicuti accepta habere dignatus es munera pueri  
tui iusti Abel,  
et sacrificium Patriarchæ nostri Abrahæ  
et quod tibi obtulit summus sacerdos tuus Melchisedech,



sanctum sacrificium, immaculatam hostiam.

Supplices te rogamus, omnipotens Deus:  
iube haec perferri per manus sancti Angeli tui  
in sublime altare tuum, in conspectu divinae maiestatis tuae:  
ut, quotquot ex hac altaris participatione  
sacrosanctum Filii tui Corpus et Sanguinem sumpserimus,  
omni benedictione caelesti et gratia repleamur.  
(Per Christum Dóminum nostrum. Amen.)

Memento etiam, Domine, famulorum famularumque tuarum N.  
et N., qui nos praecesserunt cum signo fidei,  
et dormiunt in somno pacis.

Ipsis, Domine, et omnibus in Christo quiescentibus,  
locum refrigerii, lucis et pacis, ut indulgeas, deprecamur.  
(Per Christum Dóminum nostrum. Amen.)

Nobis quoque peccatóribus  
fámulis tuis, de multitudíne miseratiónum tuárum sperántibus,  
partem áliquam, et societátem donáre dignéris, cum tuis sanctis  
Apóstolis et Martyribus: cum Ioánne, Stéphano, Matthía,  
Bárnaba, [Ignátio, Alexándro, Marcellíno, Petro, Felicitáte,  
Perpétua, Ágatha, Lúcia, Agnéte, Caecília, Anastásia], et  
óm nibus Sanctis tuis: intra quorum nos consórtium, non  
aestimátor mériti, sed véniae, quaésumus, largítor admítte.  
Per Christum Dóminum nostrum.

Per quem haec omnia, Domine, semper bona creas,  
sanctificas, vivificas, benedicis, et praestas nobis.

Per ipsum, et cum ipso, et in ipso  
est tibi, Deo Patri omnipotenti,  
in unitate Spiritus Sancti,  
omnis honor et gloria  
per omnia saecula saeculorum.  
*Amen.*

**PREX EUCHARISTICA II**

Vere Sanctus es, Domine, fons omnis sanctitatis.  
Haec ergo dona, quaesumus,  
Spiritus, tui rore sanctifica, ut nobis Corpus et + Sanguis fiant  
Domini nostri Iesu Christi.

Qui cum passioni voluntarie traderetur,  
accepit panem et gratias agens fregit,  
deditque discipulis suis, dicens:

ACCIPITE ET MANDUCATE EX HOC OMNES:  
HOC EST ENIM CORPUS MEUM,  
QUOD PRO VOBIS TRADATUR.

Simili modo, postquam cenatum est,  
accipiens et calicem, iterum gratias agens  
dedit discipulis suis, dicens:

ACCIPITE ET BIBITE EX EO OMNES:  
HIC EST ENIM CALIX SANGUINIS  
MEI NOVI ET AETERNI TESTAMENTI,  
QUI PRO VOBIS ET PRO MULTIS EFFUNDETUR  
IN REMISSIONEM PECCATORUM.  
HOC FACITE IN MEAM COMMEMORATIONEM.

Mysterium fidei.

*Mortem tuam annuntiamus, Domine,  
et tuam resurrectionem confitemur,  
donec venias.*

Memores igitur mortis et resurrectionis eius,  
tibi, Domine, panem vitae et calicem salutis offerimus,  
gratias agentes quia nos dignos habuisti astare coram te  
et tibi ministrare.

Et supplices deprecamur  
ut Corporis et Sanguinis Christi participes  
a Spiritu Sancto congregemur in unum.

Recordare, Domine, Ecclesiae tuae toto orbe diffusae,  
ut eam in caritate perficias  
una cum Papa nostro N.  
et Episcopo nostro N.  
et universo clero.

Memento etiam fratrum nostrorum,  
qui in spe resurrectionis dormierunt,  
omniumque in tua miseratione defunctorum,  
et eos in lumen vultus tui admitte.

Omnium nostrum, quaesumus, miserere,  
ut cum beata Dei Genetrice Virgine Maria,  
beatis Apostolis et omnibus Sanctis,  
qui tibi a saeculo placuerunt  
aeternae vitae mereamur esse consortes,  
et te laudemus et glorificemus  
per Filium tuum Iesum Christum.

Per ipsum, et cum ipso, et in ipso,  
est tibi Deo Patri omnipotenti,  
in unitate Spiritus Sancti,  
omnis honor et gloria  
per omnia saecula saeculorum.  
*Amen.*

### **PREX EUCHARISTICA III**

Vere sanctus es, Domine,  
et merito te laudat omnis a te condita creatura,  
quia per Filium tuum, Dominum nostrum Iesum Christum,  
Spiritus Sancti operante virtute  
vivificas et sanctificas universa,  
et populum tibi congregare non desinis,  
ut a solis ortu usque ad occasum  
oblatio munda offeratur nomini tuo.

Supplices ergo te, Domine, deprecamur,  
ut haec munera, quae tibi sacrandae detulimus,

eodem Spiritu sanctificare digneris,  
ut Corpus et + Sanguis fiant Filii tui Domini nostri Iesu Christi,  
cuius mandato haec mysteria celebramus.

Ipse enim in qua nocte tradebatur  
accepit panem et tibi gratias agens  
benedixit, fregit, deditque discipulis suis, dicens:

ACCIPITE ET MANDUCATE EX HOC OMNES:  
HOC EST ENIM CORPUS MEUM,  
QUOD PRO VOBIS TRADETUR.

Simili modo, postquam cenatum est,  
accipiens calicem, et tibi gratias agens benedixit,  
deditque discipulis suis, dicens:

ACCIPITE ET BIBITE EX EO OMNES:  
HIC EST ENIM CALIX SANGUINIS MEI  
NOVI ET AETERNI TESTAMENTI,  
QUI PRO VOBIS ET PRO MULTIS EFFUNDETUR  
IN REMISSIONEM PECCATORUM.  
HOC FACITE IN MEAM COMMEMORATIONEM.

Mysterium fidei.  
*Mortem tuam annuntiamus, Domine,  
et tuam resurrectionem confitemur,  
donec venias.*

Memores igitur, Domine,  
eiusdem Filii tui salutiferae passionis  
necnon mirabilis resurrectionis et ascensionis in caelum,  
sed et praestolantes alterum eius adventum,  
offerimus tibi, gratias referentes,  
hoc sacrificium vivum et sanctum.

Respice, quaesumus,  
in oblationem Ecclesiae tuae  
et, agnoscens Hostiam, cuius voluisti immolatione placari,  
concede, ut qui Corpore et Sanguine Filii tui reficimur,

Spiritu eius Sancto repleti,  
unum corpus et unus spiritus inveniamur in Christo.

Ipse nos tibi perficiat munus aeternum,  
ut cum electis tuis hereditatem consequi valeamus,  
inprimis cum beatissima Virgine, Dei Genetrice, Maria,  
cum beatis Apostolis tuis  
et gloriosis Martyribus (cum Sancto N.)  
et omnibus Sanctis,  
quorum intercessione perpetuo apud te confidimus adiuvari.

Haec Hostia nostrae reconciliationis proficiat,  
quaesumus, Domine,  
ad totius mundi pacem atque salutem.  
Ecclesiam tuam, peregrinantem in terra,  
in fide et caritate firmare digneris  
cum famulo tuo Papa nostro N.  
et Episcopo nostro N.,  
cum episcopali ordine et universo clero  
et omni populo acquisitionis tuae.

Votis huius familiae,  
quam tibi astare voluisti, adesto propitius.  
Omnes filios tuos ubique dispersos  
tibi, clemens Pater, miseratus coniunge.

Fratres nostros defunctos,  
et omnes qui, tibi placentes, ex hoc saeculo transierunt,  
in regnum tuum benignus admitte,  
ubi fore speramus,  
ut simul gloria tua perenniter satiemur,  
per Christum Dominum nostrum,  
per quem mundo bona cuncta largiris.

Per ipsum, et cum ipso, et in ipso,  
est tibi Deo Patri omnipotenti,  
in unitate Spiritus Sancti,  
omnis honor et gloria per omnia saecula saeculorum.  
*Amen.*

## **PREX EUCHARISTICA IV**

Confitemur tibi, Pater sancte,  
quia magnus es et omnia opera tua  
in sapientia et caritate fecisti.  
Hominem ad tuam imaginem condidisti,  
eique commisisti mundi curam universi,  
ut, tibi soli Creatori serviens,  
creaturis omnibus imperaret.

Et cum amicitiam tuam, non oboediens, amisisset,  
non eum dereliquisti in mortis imperio.  
Omnibus enim misericorditer subvenisti,  
ut te quaerentes invenirent.  
Sed et foedera pluries hominibus obtulisti  
eosque per prophetas erudisti in expectatione salutis.

Et sic, Pater sancte, mundum dilexisti,  
ut, completa plenitudine temporum,  
Unigenitum tuum nobis mitteres Salvatorem.  
Qui, incarnatus de Spiritu Sancto  
et natus ex Maria Virgine,  
in nostra condicionis forma est conversatus  
per omnia absque peccato;  
salutem evangelizavit pauperibus,  
redemptionem captivis, maestis corde laetitiam.

Ut tuam vero dispensationem impleret,  
in mortem tradidit semetipsum  
ac, resurgens a mortuis, mortem  
destruxit vitamque renovavit.  
Et, ut non amplius nobismetipsis viveremus,  
sed sibi qui pro nobis mortuus est atque surrexit,  
a te, Pater, misit Spiritum Sanctum  
primitias credentibus,  
qui, opus suum in mundo perficiens,  
omnem sanctificationem compleret.

Quaesumus igitur, Domine,  
ut idem Spiritus Sanctus  
haec munera sanctificare dignetur,  
ut Corpus et + Sanguis fiant  
Domini nostri Iesu Christi  
ad hoc magnum mysterium celebrandum,  
quod ipse nobis reliquit in foedus aeternum.

Ipsa enim, cum hora venisset  
ut glorificaretur a te, Pater sancte,  
ac dilexisset suos qui erant in mundo,  
in finem dilexit eos:  
et cenantibus illis accepit panem,  
benedixit ac fregit, deditque discipulis suis, dicens:

ACCIPITE ET MANDUCATE EX HOC OMNES:  
HOC EST ENIM CORPUS MEUM,  
QUOD PRO VOBIS TRADATUR.

Simili modo accipiens calicem,  
ex genimine vitis repletum,  
gratias egit, deditque discipulis suis, dicens:

ACCIPITE ET BIBITE EX EO OMNES:  
HIC EST ENIM CALIX SANGUINIS MEI  
NOVI ET AETERNI TESTAMENTI,  
QUI PRO VOBIS ET PRO MULTIS EFFUNDETUR  
IN REMISSIONEM PECCATORUM.  
HOC FACITE IN MEAM COMMEMORATIONEM.

Mysterium fidei.

*Mortem tuam annuntiamus, Domine,  
et tuam resurrectionem confitemur,  
donec venias.*

Unde et nos, Domine,  
redemptionis nostrae memoriale nunc celebrantes,  
mortem Christi eiusque descensum

ad inferos recolimus,  
eius resurrectionem et ascensionem  
ad tuam dexteram profiteamur,  
et, exspectantes ipsius adventum in gloria,  
offerimus tibi eius Corpus et Sanguinem,  
sacrificium tibi acceptabile et toti mundo salutare.

Respice, Domine, in Hostiam,  
quam Ecclesiae tuae ipse parasti,  
et concede benignus omnibus  
qui ex hoc uno pane participabunt  
et calice, ut, in unum corpus  
a Sancto Spiritu congregati,  
in Christo hostia viva perficiantur,  
ad laudem gloriae tuae.

Nunc ergo, Domine, omnium recordare,  
pro quibus tibi hanc oblationem offerimus:  
in primis famuli tui, Papae nostri N.,  
Episcopi nostri N.,  
et Episcoporum ordinis universi,  
sed et totius cleri, et offerentium,  
et circumstantium, et cuncti populi tui,  
et omnium, qui te quaerunt corde sincero.

Memento etiam illorum, qui obierunt in pace Christi tui,  
et omnium defunctorum, quorum fidem tu solus cognovisti.

Nobis omnibus, filiis tuis, clemens Pater, concede,  
ut caelestem hereditatem consequi valeamus  
cum beata Virgine, Dei Genetrice, Maria,  
cum Apostolis et Sanctis tuis in regno tuo,  
ubi cum universa creatura,  
a corruptione peccati et mortis liberata,  
te glorificemus per Christum Dominum nostrum,  
per quem mundo bona cuncta largiris.

Per ipsum, et cum ipso, et in ipso,  
est tibi Deo Patri omnipotenti,



in unitate Spiritus Sancti,  
omnis honor et gloria  
per omnia saecula saeculorum.  
*Amen.*

## **RITUS COMMUNIONIS**

Praeceptis salutaribus moniti,  
et divina institutione formati, audemus dicere:

### **PATER NOSTER**

Pater noster, qui es in caelis,  
sanctificetur nomen tuum,  
adveniat regnum tuum,  
fiat voluntas tua,  
sicut in caelo et in terra.  
Panem nostrum cotidianum da nobis hodie,  
et dimitte nobis debita nostra,  
sicut et nos dimittimus debitoribus nostris,  
et ne nos inducas in tentationem,  
sed libera nos a malo.

Libera nos, quaesumus, Domine, ab omnibus malis,  
da propitius pacem in diebus nostris,  
ut, ope misericordiae tuae adiuti,  
et a peccato simus semper liberi  
et ab omni perturbatione securi:  
exspectantes beatam spem  
et adventum Salvatoris nostri Iesu Christi.

*Quia tuum est regnum  
et potestas et gloria in saecula.*

Domine Iesu Christe,  
qui dixisti Apostolis tuis:  
Pacem relinquo vobis, pacem meam do vobis:  
ne respicias peccata nostra,  
sed fidem Ecclesiae tuae,

eamque secundum voluntatem tuam  
pacificare et coadunare digneris.  
Qui vivis et regnas in saecula saeculorum.  
*Amen.*

Pax Domini sit semper vobiscum.  
*Et cum spiritu tuo.*

Offerte vobis pacem.

## AGNUS DEI

Agnus Dei, qui tollis peccata mundi: miserere nobis.  
Agnus Dei, qui tollis peccata mundi: miserere nobis.  
Agnus Dei, qui tollis peccata mundi: dona nobis pacem.

*Celebrans, inclinatus altari, dicit submisse:*

Dómine Iesu Christe, Fili Dei vivi,  
qui ex voluntáte Patris, cooperánte Spíritu Sancto,  
per mortem tuam mundum vivificásti:  
líbera me per hoc sacrosánctum Corpus et Sáanguinem tuum  
ab ómnibus iniquitátibus meis, et univérsis malis:  
et fac me tuis semper inhaerére mandátis,  
et a te numquam separári permíttas.

*Vel:*

Percéptio Córporis tui, Dómine Iesu Christe,  
non mihi provéniat in iudícium et condemnatiónem:  
sed pro tua pietáte prosit mihi  
ad tutaméntum mentis et córporis.

*Et ostendens hostiam frantam populo, dicit:*

Ecce Agnus Dei, ecce qui tollit peccata mundi.  
Beati qui ad cenam Agni vocati sunt.

*Domine, non sum dignus ut intres sub tectum meum, sed tantum dic  
verbo et sanabitur anima mea.*

Corpus Christi.  
*Amen.*

## POSTCOMMUNIO

Oremus ....

*Amen.*

## RITUS CONCLUSIONIS

Dominus vobiscum.

*Et cum spiritu tuo.*

Benedicat vos omnipotens Deus, Pater et Filius et Spiritus

Sanctus.

*Amen.*

Ite, missa est.

*Deo gratias.*